



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

caput secundum. Origo Soc. Iesu firmissimi contra Haereses valli.

urn:nbn:de:hbz:466:1-10880

Scriptis illud semen reperturus sit, quod caput ei sit constitutum (a)

IV. Sicut ex malis moribus bonaë nascentur leges; sc̄ hæresibus Catholice veritatis dogmata stabiluntur, & clare apparet esse illa dogmata æterna, & super æterno principio fundata. Antiquus ille hostis religionem Christianam funditus delere cogitabat; sed tōtō erravit cœlo, tot Novi Mundi populis ad eam tunc primum adjunctis. Et quemadmodum Syracusias aer nūquam ita nebulosus esse fertur quin solis radij semel aut iterum videantur: sic Ecclesia Catholica frustra tenetorum Principe (b) ejusque satellite sive stella de cœlis decidua Lutherò se se cum fumo suo abysmaliter interponentibus, agnata sibi & nativa claritatū radios quam late patet mundus, de se spargere numquam cessavit. (c) Et sicut aurum igne molitur, non frangitur; purgatur, non consumitur, uti nec usu: sic Ecclesia omnibus illis persequutionibus & hæresiis incendijs multo pulchrior emerit, (d) quam temporis ei affricuerat longinquitas, detersa rubigine. Jam diabolus totam Germaniam reti suo inclusam habere se putabat; sed exrupto, (e) major pars evasit.

V. Horum aliqui pīscem, quem Glanum Latini vocant, imitati sunt. ut enim hic hamo inverso ad morto & cibo degustato, salivus abit; sic illi extremis labris percepto Lutheranæ doctrinæ gustu, ubi sub ea nihil nisi meram, quidquid lubet faciendi, licentiam, & carum terum quæ tot jam seculis in honore fuerunt, contemnum latere deprehenderunt, (f) ab ea abstinentia sibi rati, quamprimum refugerunt. Alij devoratis esca & hamo, Scolopendræ exemplo, omnia intranca quoque evomuerunt donec hamum egesissent; ijsclicet qui pro salutis via perditionis semitam ingressos se, adeoque jam ad precipitum pervenisse animadverentes, uti Wicelij, Staphili &c. tandem errore agnito & abjecto, ad mentem & Catholice Ecclesias unitatem redierunt. Soli fere illi quorum Deus venter est, qui que forte feminam aliquam miseram incestarunt, firmiter apostasis adhærescant, fax hominum & opprobrium Mundi; sive ut S. Joan. loquitur in Apocalypsi sua (g) Homines qui non habent signum Dei in frontibus suis.

VI. Germaniam quidam totam Lutheranam appellant. Quam recte, infra dicetur. Ut enim in precedentibus 4 libris Hæreseos in ea ortum & mirabilis, velut nobilissima & amplissima provincia in triumphum ducta progressus ostendimus; sic in sequentibus ejusdem decrementa ac ruinam, quæ sensim appropinquat, exponemus. Nam veluti torrens momento temporis excrescit, & alyo egressus, im-

peru suo obvia quæque abripit, paullatim deinde pluvia cessante subsideret, & rarefientibus aquis alveum fere siccum relinquit; sic hæresis postquam ad summum pervenit fastigium, paullatim jam descendere & ad interitum vergere incipit; cum prædictum sit loco citato Apocal. istas Locutas non nisi mensibus quinque annorum scilicet cruciaturas Ecclesiam, quod tempus ad Annū 1667. fere pertinet, sic ut non solum sperare, sed cōcio statuere debeamus, Catholicam Ecclesiam, veterem illam & glorioam Bellatricem: (h) uti alibi à nobis appellatur, plenas de hostibus suis viorias tandem reportaturam, adeoque multo maiores vires post assultum hunc recollectaram. Quod si quæ restant adhuc reliquæ, commiseremur potius quam meruamus. Ipsi Lutherani instantem suæ doctrinæ interitum harialant, ac præcipue is qui Lutheranismi Restaurator fuit. Sed videamus jam cœlicus missa ad destruendam hæresin auxilia.

(a) Gen. 3. (b) Ephes. 6. 12. (c) Matth. 5. 14. (d) 1. Pet. 1. 7. (e) Ps. 115. 16 (f) Ulenberg in Vita Luth. Passim. & Luth. ipse in Captiv. Babylon. & libert. Christiana &c. (g) cap. 9. (h) Cantic. 9.

ORIGO SOCIETATIS JESU, firmissimi contra hæreses valli.

CAPUT SECUNDUM. ARGUMENTUM.

- I. Deus malo bonum opponit.
- II. De Ignatio Loiola, Societas Jesu Auctore.
- III. Is Roman profectus, multis superatis difficultibus, Societas sue confirmationem impetrat.
- IV. Socios ad omnes Christinomen profidentes populos dimittit.
- V. Origo nominis Jesuitarum.
- VI. Ex eorum Societate omnis ambitio exclusa.

I. Q uemadmodum Natura communis hominum parens, & cui etiam minima ritæ nostræ momenta curæ sunt, serpentes è cavernis suis, ubi hyenae asperitas mille nodis contortos & implicatos eos continuit, ante præpere non patitur quam fraxinus eis inimicissima florere incipiat, ut contra venenosos morsus antidotum inde nobis parare queamus; nec prius ejusdem arboris florem decutie quam illi jam in latibula sua se absconderint: (a) sic Naturæ auctor, & Pater communis, nihil magis quam hominum salutem desiderans, numquam ab infernali

(a) Gesnerus, Aldrovandus, Plinius &c.

sed hæresin ad inficiendam terram erumpere permisit, quin eodem tempore salubre aliquam plantam produxerit, cuius succo contra pestiferum ejus venenum ut ac præservare nos possumus. Sed apertius, & sine metaphora loquamur. In eo admirabilis Dei providentia eluet, quod quanto hæreses magis in valuerunt, tanto fortiores Antagonistas excitavit contra Albigenses, (a) quorum reliquia adhuc extant, Deus beatum illud par S. Dominicum & S. Franciscum misit, utrumque magnum magnæ religiose familiæ conditorem, quorum ope & ægrotat animæ sanarentur, & ceteræ à contagione præservarentur. Certe omnes auctores unanimi consensu prodiderunt, à duobus his Christianitatem ab interitu vindicaram. Deus ajunt, voluit, ut sub Innocentio innocens nasceretur, qui sponsa sua innocentiam defendaret: Et alius qui ab illorum ævo non procul absuit, ac ipse nihil aut parum religionis habuit, Nisi Christiana religio, inquit, à S. Francisco aut S. Dominico in pristinam integratatem suissæ restituta, jam dudum plane esset existēta. Hi enim duo paupertate & vita Jesu Christi imitatione, eam cordibus hominum rursus insculperunt, in quibus omnino fuerat obliterata. Duo hi pauperes Innocentio Pontifici in visione quadam apparuerunt, D. Joannis Lateranensis Ecclesiam, quam in somnio ille ad ruinam inclinatam viderat, manibus suis sustentantes.

Sic eo tempore quo Manichæorum & Pelagianorum hæresis Mundum tenebris involvit, à Deo præclaræ illæ Ecclesia lumina accensa sunt, S. Ambrosius & S. Augustinus, qui errantibus facem præluerent, & Ecclesiam perpetuo lumine illustrarent. Sic idem B. Cyrilum Nestorio, B. Hieronymum Joviniano, S. Athanasium, S. Basilium, utrumque Gregorium, in Oriente; in Occidente S. Sylvestrum, S. Martinum, S. Hilarium Arrio ejusque lectatoribus, qui magnam Regum, Principum & Episcoporum partem laqueis suis irretierant, opposuit. Hi cœlitus tum missi Aesculapij languenti atque adeo animam agenti Catholicæ Ecclesiæ salutare pharmacum propinarunt, ac salutem restituerunt. Eodem modo eo tempore quo Lutherus abjecto cullo ex optimo genere hominum nempe Religiosorum ordine decidens, ut stella non se tantum, sed alios quoque contra Deum & Ecclesiam armavit; Deus ex altera parte ex deteriore hominum genere nempe militari hominem excitavit, qui depoto sago, religiosum habitum assumeret. Hic ille est quem sub nominis Jesu vexillo Deus obsessa suæ civitati in subsidium misit, ut cam non solum ab in-

sidijs & stratagematis hostium contraquæ corumdem assaultus defendereret, verum etiam in hostes ultro irrueret, machinas eorum corrumperet, propugnacula dejiceret, cuniculos everteret, hostibusque depulsis profugos intra muros Ecclesiæ ab eis desertos reduceret, & ex persecutoribus defensores, ex hostibus redderet cives.

Hoc feliciter præstítit Ignatius Loiola, tam nobilis & validi exercitus, qui per totum terrarum orbem in manipulos dispersus, sub JESU nominis vexillo hæresi continuum bellum facit, & Christianum nomen ad extremos usque terræ limites profert, dux & prius imperator. Anno MDXXI, Lutherus D. Petri Seddi & Vicario Wormaldæ se tandem resolvit publicè coram Imperij Confessu maximo quod hæresim amplectetur, dicens se nulli Concilio acquiescere vel Papa nisi Solis scripturæ. (b) Ibi igitur post minores pro lusiones contra Ecclesiam ei nefarium bellum indixit ac paulo post mense junio cum dænone, ut ipse scribit (c) congressus ei cedens fassus est non esse Sacerdotium nec sacrificium in Ecclesia Christi eodem anno Ignatius mense junio Francorum tormentis Pamilonæ verberatus vulneratusque in lectum doloris dejicitur, & lectis de imitatione Christi: & S. S. libellis conversus ad meliorem vitam, S. Petrum tamquam patronum & præcipue venerari cœpit & expiri. Ille D. Petri Vicarium invidiæ suæ atramento foedum in modum deformabat; hic eximio carmine seu cantico divinas eius laudes exornabat quod quidem Ignatij primum omnium fuit opus: omitto cætera ex vita Lutheri & Ignatij acta actis opponere, velut opus grande illud solum innuo, quod hoc divinæ tam sapientiae quam omnipotentiae non vulgare sit opus, quod in hac immensa mundi familia initicas sibique mutuo infensas creaturas nasci vult, ita tamen, ut si opus, ab una contra alteram remedium petatur ad hominis utilitatem, & divinæ gloriæ manifestationem. Sic videmus Lutheranorum factionem & Iesu societatem uno fere eodemque tempore existuisse, finibus plane contrariis: illos ad devastandam; hanc ad defendendam & amplicandam Ecclesiam. Et utrique in una quidem, sed contrarijs plane radicibus prognati familia, fructus etiam plane diversos ac contrarios pepererunt. Societatem illam quis non dicer auxiliarem esse manum è cœlo contra novum Señacharibum submissam? quam etiam firmiter sperandum

(a) Vita S. Dominici. Annal. Eccles. (b) Vlenberg Via Lush. Cap. 6. num. 3. Ezovius in Annal. Surius &c.

(c) Lib. de missa Angulare Serarius de Magistro Lutheri &c.

dum est, nos prius defecturam, quam omnes haereses fint extinctas. Divinitus ad hoc missa est haec Societas, ut Mundi felicitatem, Ecclesiae salutem, sibi gloriam pareret & adferret. Sed primam ejus originem inspiciamus, initio, ut omnia, exigua, sed que paucis annis per torum ferè terrarum orbem diffusa est, & sua magnitudine (quod absque injury ceteratum dictum velim, ut quæ & ipsæ suum quoddam fatum & tempus habuerunt, atque etiam honorabilem suum quæque tenent in Ecclesia locum) omnes religiosorum familias sive Ordines, qui umquam in Christianitate fuerunt, superavit.

V. Ignatius Loiola, Societatis huius auctor atque institutor, nobili loco natus est A. 1492. memorabilis rebus mirabilibus natura insitam animi generositatem nactus in ea Hispania seu Cantabria parte quæ Guipuscoa vulgo vel Provincia dicitur. Puerili ætate transacta, in aulam Ferdinandi Regis à parentibus missus, sic inter delicias Mundi versatus est, ut omnium quæ ætas illa & vita consuetudo ferrit, vitiiorum imperium fortiter perficeret, neque vel transversum unguem abripi se pateretur ad viles res, sed in omnibus certissimas innatae virtutis & pieratis notas præ se ferens, iam tum magnum quid & singulare promittere videbatur. Solet enim Deus eos quorum opera ad rem quamquam insignem usurus est, mature divina sua gratia illustrate, & deinde per omnem vitam deducere ac comitari. Et in hac quidem schola non effeminatus aulicus, sed fortis miles evasit; cuius virtutis specimen mox edidit. Vix enim per ætatem armis ferendis idoneus. Pompeiopolim à Gallo obfessam forrissimè propugnavit, suoque exemplo ceteros militia præfectos iam deditiōnem facere cogitantes, ad fortiter sustinendam impressionem animavit, donec ænea pila crus eius dextrum confrigit, sinistrum lapis muro excusus læsit.

Ignatio prostrato, reliqui eius casu perterriti tanto facilius ad deditiōnem faciendam sunt inducti. Galli vero Ignatium humiliter habitum, non multo post ad suos dimiserunt. Interea quum in lecto partem anni iaceret, essetque in profanis libris legendis auditus ad doloris oblivionem iussit sibi aliquem eiusmodi librum dari cuius lectione tempus fallerer. Quum alii ad manum non essent, puer boni cuiusdam Angeli instinctu duos ei porrigit, quorum alter Christi Salvatoris alter Sanctorum vitas continebat. His ille legendis, Dei in creaturis admirabilia opera, quæ mira quadam varietate ibi de picta videntur, contemplatus, & eorum qui Mundi vanitatibus dediti, perpetuis curiarum fluctibus agitantur, infelicitatem

considerans, vitam committare, & relicto seculo, celo se devovete constituit. Ex quo apparet, brevem calamitatem nonnunquam perpetua eidam felicitati viam sternere aditumque aperte. Simili inspiratione duo Imperatoris Theodosij Nobiles aulici, S. Antonij vitam legendo, è Mundi militibus, Jesu Christi milites facti sunt, & relicta aula, in solitudinem, ut liberius Deo ejusque cultui vacare possent, se contulerunt. Ignatius sancta hac inspiratione quam libri illius lectio pepererat, diu noctuque agitatus, quam primum è vulnere convaluit, Mundi jam pectoris, quem tamen vixitum xxx. annos tantum natu salutaverat, amicos invisendi praetextu, de domo (a) & cognatione sua, adeoque de seipso egressus est. Anno 1522, initio veris & rectâ Montem Serratum, aptissimum devotioni & miraculis valde celebrem locum, profectus, dimissis in itinere duobus famulis, ne quem vita sua austerae præter Deum haberet testem, E via mendicum pannosumque hominem adit, suas vestes sibi detracatas illi dono dat, ipse vero opato illo suo vestitu, quem ante sibi paraverat, induitur, gladium vero & pugionem ante aram beatissimæ Virginis appendi jubet, deinde noctem illam ante aram proenimbens, insomnem traducit. Sic novus Iesu Christi miles cilicio indutus, cineribus conspersus, jejunis & vigilijs confessus ad religiosam peregrinationem se præparabat, Dei opem assidue implorans, interea dum furiosus Lutherus longe diversa agit tantum à Deo recedendo quantum ille accedebat. Si quidem eodem plane Anno & mense quo Ignatius de seculo exiit Manresa num in secessum sanctum, Lutherus à suo Alstetensi seu Wartbergensis Patrono rediit Wittebergam ad operanda mala quæ deinde gessit. Ex Hispania Ignatius in Italiam profectus est. Anno 1523, stipem mendicans, & pane & aqua vitam tolerans, & sub dio ferè humili cubans: sicque Romam tandem perirent, sacra urbis loca obivit benedictionem quæsummi Pontificis reverenter accepit. Inde capro jam ante Hierosolymas navigandi, sanctumque Salvatoris Sepulchrum visitandi consilio, Venetias venit: ubi dum moraretur, navigandi commoditatem expectans, in platea nudus quidem vestibus & algens, sed preciosissimis virtutibus ornatus, & ardentiissimo Dei amore flagrans, noctes agebat: adeo ut ex Senatorio ordine quidam Marcus Antonius Trivianus nomine, ad Ducalem postea dignitatem electus, noctu domi suæ quem esset, excitari se repeate hujusmodi vocibus senserit: Tunc ferre potes, ut mollibus vestitus domi tuæ sis, & servus meus

(a) Gen. 28,

meus seminudus in porticu jacebam in lecto precioso
suaviter dormias; ille dura cubet humo? Visione hac
stupefactus surgit statim Senator, & per incerta va-
gatus, tandem Ignatium cubantem offendit, frigore
pœne enctū domū perducit, & liberaliter tractat.

Venetis Ignatius in Palæstinam sive Terram
sanctam navigavit, cum proposito totius ibi vitæ
sua cursum exigendi, & peregrinorum qui eo ex
omnibus Mundi partibus religionis ergo conflu-
unt, servitiis immoriendi. Sed quemadmodum boni
odores etiam è laceris centonibus spirant: sic
Franciscanorum præfectus, pulcram & sanctam
quandam animam sub tenui illo corpusculo, & vili
habitu latentem facilè deprehendit, Animadversa
ergo in tam juvenili ætate matura quadam & senili
prudentia, tum præcipue insigni quadam pietate &
numinis reverentia, Ignatio suasit ut in Hispaniam
reverteretur, animumque bonis discendis litteris
applicaret, quarum imperitiam ajebat vivi esse ho-
minis sepulturam. Et sicut alias divinæ illæ inspi-
rationes consilia & actiones nostras ad ea dirigunt,
qua ad Dei honorem nostramque salutem promovendam pertinent; sic huic consilio locum dans
Ignatius, in patriam est reversus, ac litterarum stu-
dis sese dedidit, breviisque inde magna sibi ad Phi-
losophiæ cognitionem adjumenta comparavit. Ca-
put vero omnium ipsius exercitationum erat pietas
& religio, quam unâ cum studiorum sociis num-
quam intermittebat. Sed ut umbra corpus, ita invi-
dia virtutem comitari solet. Et innocentia suos
quoque persecutores habet inter privatos. Vix
innocescere cœperat Ignatius: quum ecce diaboli,
magnum hunc suis conatibus adversarium fore
jam tum subodorantis, instinctu ab inimicis ad In-
quisitionem tanquam hærecosus suspectus defertur.
Id crimen etiam tanto magis credibile videbatur,
quanto atrocis passim per Lutherum tum intro-
ducta exultabat hæresis, ac quanto major homi-
num numerus ad Ignatium accurrebat. Verum au-
ditus arque examinatus, innocentiam suam Inqui-
sitoribus facile probavit, ab iisdem statim absolu-
tus. Nolo hic omnia divino huic viro objecta in-
commoda recensere, quibus ille coactus ex His-
pania in Galliam venit, & ad Parisiensē Academiam
Anno M. D. XXVIII. se contulit ubi ille æque sua
sancta consilia, ac alii quidam è Germania advecti
impia meditationes, maturavit, ut & in hoc anta-
gonismus Ignatii ac Lutheri appareat, si ibi parare-
tur remedium à Deo, ubi dæmon parabat per apo-
statas submissos exitium. In hac igitur universitate
orbis omnia litterarum ac Philosophiæ exercitia

feliciter tractavit, & Theologiam in primis, cui
totum se dedicarat, absolvit.

Septem illis annis quibus Luteriæ operam dedit
litteris Ignatius, morum amabilitate, vitaque san-
ctitate ac innocentia magnam apud omnes non fo-
lum benevolentiam, verum etiam admirationem
conciliavit; ut qui inter homines divinam quan-
dam vitam ageret, Ecclesiæ, si quando prodiret,
xenodochia, carceres visitabat, ægris serviens, af-
flictos & captivos consolans. Divitiae ejus omnes
& supellex erant cilicium & flagellum; deliciæ, li-
brorum sacrorum lectio; epulæ frequens S. Eucha-
ristiæ communio, qua omnibus diebus festis ute-
batur; sermones, de virtutum pulcritudine & vi-
tiorum deformitate. Dum hoc modo vitam agit
Angelicam, majus aliquid moliri constituit. Ut
enim ad militiam nati homines ludicris armorum
exercitiis delectantur quidem, at quamprimum
ingruit bellum, in seruum certamen descendunt, &
tam suæ quam suorum saluti invigilant: sic Ignatius,
cui haec tenus sua tantum salus curæ fuerat, ubi
à Lutheri hæresi longe lateque propagata magnum
Ecclesiæ vulnus inflictum vidit, tot animarum per-
ditionem miseratus, de remedio aliquo, quo publi-
cæ huic calamitati succurreret, cogitare cœpit. Ac-
cedebat Turcarum non auditus modò, sed & à se
visus, per iter Jerosolymitanum, Dominatus armis
prolatus & serpens ut cancer. Multum quoque
cum angebat quod tam frequens esset de Nōvo
Orbe & immensis ejus divitiis sermo, ad quas
asportandas totus undique Mundus convolabat,
nemine tamen ut miseri illi vera fide imbuti, & ad
Christum conversi, æternæ salutis efficerentur
participes, curante. His igitur ille curis incensus,
sed & ut grassantem Lutheranæ hærecoeos vim re-
tunderet, novam Societatem instituere decrevit,
quamvis magnæ molis opus id futurum non igno-
raret. Electis igitur ex omni amicorum numero
novem sociis animo & voluntate sibi concordibus,
tam præclarum opus auspiciatus est, & ad id perfici-
endum eosdem socios animavit. O Beatum chorum
Novenarium, non novem sororum quas Musas ap-
pellant, Mnemosynes filiarum sed novem fratrum,
vere divinæ misericordiæ filiorum, sub ductu novi
Phæbi, non illo ex Aganippe Poetico furore, sed di-
vino cœlestis spiritus enthusiasmo afflati! [f]

B Primi

[f] Vita Ignatii per Ribadeniram Masseum, Qua-
remont, Bidermannum, &c. Orlandinum tom. I. His.
Soc. Iesu, &c. Bulla Canonizationis S. Ign. per Vrba-
num VIII. edita.

Primi ex his fuerunt Petrus Faber Sabaudus natione, & Franciscus Xaverius Hispanus; hic quidem exquisita scientia vitaque magis admirabili quam imitabili sanctitate conspicuus, & plurimis miraculis postea illustris [a] quæ licet veritatis hostes obscurare commentur, ipsa tamen pro se loquuntur. Et hic quidem initio nimiam Ignatii, uti putabatur, devotionem, ridere solitus, tandem tamen, si non superior, par certè evasit. His se adjunxerunt postea Paschalis Broetus, Ioannes Codurius Gallus, Jacobus Laines, Alphonsus Salmeron & Nicolaus Bobadilla Hispani; Claudius Iaius Genevensis, & Rodericus Lustianus. Et hi quidem decem è sex diversis Nationibus collecti, decem primi fundamentales fuere lapides, in Franciæ metropoli, quæ post Romanam, parem non habet, instituta hujus Societatis Laudem. Decem hi quasi ad Christianæ Reipublica salutem pia coniunctione facta, arctissimis fæse vinculis mutuo obstrinxerunt, ut propagandæ fidei Catholicæ apud infideles & consequenter Lutheri aliorumque hæreticorum fæse opponerent furori. Ut vero Deus in numero, pondere & mensura omnia dispossuit; sic denarius hic non sine caussa mirabiles res ab hac Societate effectum iri, præsignificasse existimatur. Hic ille est numerus quem Arithmetici primum inter digitos agnoscent, nempe qui duobus pollice scilicet & indice [b] exprimi necesse habet, cū minores, denario numeri digitis cæteris tribus exprimantur [c]. Eundem denarium sine O figuræ jungere cum alijs aut concludere nequeunt; quomонemur, ut numerus hic nullum alium finem habet quam rotundum illum orbiculum, sic res ab hac Societate gerendas iisdem quibus terrarum orbis spaciis terminatum iri; huncque Decumanum illum fore fluctum, qui Lutheri myoparonem obruturus atque in profundum demersurus sitimo ab Angelo illo Apocalypticō [d] denotatum, qui habebat Evangelium æternum, ut evangelizaret sedentibus super terram, & super omnem gentem & tribum & populum. Decem hi Anno M.D.XXXIV. die Assumptioni B. Virginis sacro, ad ædem B. Mariae quæ Mons Martyrum vulgo dicitur, & ab urbe Lutetia non procul abest, unâ omnes convenierunt: ibiique ritè confessione facta, & sacra Synaxi percepta, voto fæse obstrinxerunt. [e] Antequam vero progrediā, luber Francisci Montani verba hic adscribere, quibus Lojolam & Lutherum inter se comparat. Martinus Lutherus, inquit, ab Ecclesia ut Ecclesiam oppugnaret; Ignatius Loiola è Mundo ut Mundum oppugnaret, profugit. Vterque ab Ecclesia

initio nati, in iisdem visceribus concepti; & ab eodem ventre, uno eodemque ferè tempore tamquam duo gemini, Esau & Iacob prognati. Lutherus velut Esau postquam adolevit, diabolo instigante Ecclesiam turbare aggressus, & magnus venator animarum ad eos perpendens factus est: Ignatius vero tamquam Iacob à Deo Ecclesia defensor & propagator, ac verus animarum salvandarum pastor fuit electus. Ille relictis vita cœlestis seu contemplativa deliciis, & religiosa austernitate, carnalibus voluptatibus totum se tradidit, ab iunio ad epulas, ab humilitate ad vanitatem, à paupertate ad avaritiam, à regula ad dissolutionem desiliens, atque ut omni proculata obedientia, tanto securius in omnium turpium voluptatum sordibus fæse volutare posset, supremo suo capiri bellum nefarium indixit simul & intulit. Hic vero relictis mundi divitiis, honoribus & deliciis, expresso voto, Ecclesia capiti & se adjunxit, & ad defensionem Ecclesie novum exercitum conscripsit. Lutherus ex Arrii, Manichei, Donati, & aliorum veterum hæreticorum reliquiis novas contra Deum copias collegit: Ignatius econtra è SS. Ecclesia Doctoribus recentem ad Lutherum ejusque sequaces internecione delendos exercitum confecit. Lutherus Mundum flagitiis replere, & bonas è Religiosarum familiarum hortis plantas radicitus extirpare studuit: Ignatius vero universale velut omnium virtutum seminarium & pulcherrimum religiosa vita exemplar instituit ac posteris reliquit.

Porro Ignatius ille, postquam adjuncta ipsi fuit exigua fratribus aliquor chorus;

Parva quidem numero, sed bello vivida virtus; in Italiam, atque inde in Palæstinam proficisciendi consilium cepit, designato ubi convenienter, sociis loco, nimis Venetiis, & Fabro ætate & vocazione inter eos priore reliquis per suam absentiam præesse jussò. Vide hic Lector hunc Fabrum, is enim est qui vita & doctrina sua malleo hæresin per Germaniam per sibi junctos deinde Lovanii ac Coloniæ fortissime contrivit; interea dum alius in Gallia Faber ex infernalis Vulcani officina progressus, socios suos Cyclopas contra Ecclesiam armat, ut infra suo loco videbis. Antequam vero Italianum peteret, Ignatius in Hispaniam rediit, ut parentibus ac patriæ extra Europamabiturus valediceret, & sociorum quædam negotia curaret, quacumque iter

[a] Vita S. Fran. Xaverii per Tursellinum Mansi &c. Indica Historia, Bulla Canonizationis eius. Tomus I. Hist. Soc. Iesu. &c. [b] Sap. II. 21. [c] Vide Bedam de Indigatione &c. [d] Apoc. 14. [e] Hist. Soc. Iesu Tom. I. vita Ignatii. &c.

icer faceret, aut ubicumque commodos esset auditores nactus, vitiorum fœditatem & virtutum pulchritudinem ostendens, & acerrimos ad pietatem stimulos subjiciens. Ex Hispania inde in Italianam solvens, non sine magnis difficultatibus Venetas pervenit, quo socii ad eum peregrinorum habitu venerunt. Ibi omnes omnia pietatis officia obibāt, pauperibus, & ægrotis inserviendo, & captivos visitando ac consolando. Dum Ignatius itineri in Terram Sanctam necessaria Venetiis præparat, socios Romam mittit, ut sacris locis visitatis, benedictionem à Papa Paullo III. acciperent. Eorum asperitu plurimum exhilaratus Pontifex, ut erat doctrinam amans, quos etiam inter prandium aut cœnam differentes lubenter audiebat, voluit, ut se præsentem de quæstione Theologica disputarent. qua in re magnam illi exquisitæ scientiæ & doctrinæ laudem sunt consequuti. Venetas inde reversi, bello inter Christianos & Turcas renovato, res ita impeditas offendunt, ut nulla Hierosolymas proficisciendi votique exsolvendi spes esset. Ne ergo suos ociosos esse sinere Ignatius, per Italiam urbes eos distribuit; ubilibre tempore tam vitæ sanctitate, quam singulari juventutem instruendi seu catechizandi dexteritate, magnum sui amorem & admirationem in omnium animis pepererunt, adeo ut magnus quotidie ad eos fieret concursus, insigni cum juvenitatis emolumento, & incredibili parentum lætitia. Non multo post Ignatius cum Fabro & Laine Romam profectus est, ut à Pontifice Societatis à se instituta confirmationem impetraret. Haec tenuis enim ut simplices Sacerdotes vixerat, sine voto aut regula particulari. In itinere non procul ab urbe templum desertum pro more ingresso Ignatio, ante aram prostrato & ardentius oranti Jelus Christus apparuit, & ad Ignatum conversus, *Ego, inquit, Rome vobis propitius ero.* Hac ille visione mirum in modum recreatus, & in certissimam spem erexitus, à Jelus Societatis nomen dedit. Ad Pontificem Cardinalis Contareni doctissimi viri opera admisus, vitæ ac Societatis suæ institutum aperuit, nimirum sub perpetua castitate, paupertate & obedientie voto, Ecclesia periculosisimo schismate laboranti, quæ possent succurrenti, *Evangelium vel extremis terrarum incolis annuncandi, in omnibus denique quæ summus.* Pontifex jussit, sine ulla contradictione obediendi. Verum sicut Roma nova omnia suspecta sunt, ut quæ solis antiquitatis fundamentis nititur, petitioni eorum Pontifex statim assentiri noluit, sed tribus Cardinalibus eos examinandi ac rem totam discu-

tiendi negocium dedit. Inter hos fuit Bartholomæus Guiditio, magnæ ob eximiam doctrinam & vitæ integritatem apud Pontificem auctoritatis. Hic initio acriter se Ignatii petitioni opposuit dicens, *Religiosarum familiarum multitudinem & diversitatem plus turbae & confusionis quam utilitatis affere, easque reformatas potius que sint, quam novas formandas esse.* Sed ignatius Deo confisus, & virtuti omnia facilia esse non ignorans, non propterea animum abiecit, sed tanto majori zelo & studio quod instituerat, perficere laboravit. Quia in re dici vix potest, quot ei labores, partim invidia partim ignorantia aliorum, fuerint objecti. Ipse nihilominus auxilia omnia conquirebat, Deum precibus, Pontificem obsecratione, Cardinales sollicitatione defatigabat, ne tam sanctum institutum, quod ille ad Dei honorem & Ecclesiæ salutem ac gloriam suscepisset, rumpi aut impediri paterentur. Revocatis ergo Patavio, Senis, Ferraria, Bononia & aliunde, quo eos miserat, sociis, tantum effecit, ut communī hominum desiderio satisfacendum ratus Pontifex, ex Cardinalium consilio Societatem hanc assensu suo approbarit & confirmari, inspecta tum Exercitorum libello & Regularum, quas illa sibi præscriperat, *Synopsi*, quam idem Paulus III. æterna memoria dignus in sua bulla inseruit, in hæc verba erumpens: *Spiritus Dei hic est. Quod judicium omnes deinde sequuti. Pontifices, ut & S. Concilium Tridentinum, ratum habuerunt. Confirmatio haec facta est Anno M. D. XL. die XXVII. Septembbris, eo tempore quo nova è Lutherana hæresi enata & matrem supergressa hæresis Genevæ potissimum stabulabatur, ut infra in Francia Schismate ostendetur. Initio vero Pontifex sociorum numerum ad sexaginta restrinxit, eo consilio ut novum Ordinem probaret prius, quam omnino approbaret, ac deinde pro fructus inde sperati modo, numerum vel minueret vel augeret.*

IV. Jaeto sub Dei in terris Vicarii auctoritate bono ac solido fundamento, Societati deinde facilis omnia successerunt; adeoque sub tam favorabilibus auspiciis nihil difficile videbatur. Ignatius igitur operi manum admonens, Socios per Italiam urbes distribuit, ut depravatis moribus medicinam facherent, & ad pietatem omnes erudirent. Et illi quidem per oppida & villas circumcuentes, *vitia reprehendebant, laudabant virtutem, errores confutabant, veritatem stabiliebant, juvenitatem ac rudes homines, qui non nisi ex consuetudine sacra officia adiungunt, instruebant. In foro sape, nocti ho-*



minum multitudinem, consenso scabello aut editori loco, conciones habebant; id unice in oratione sua spe-stantes ut populum à virtutis absterrent, & ad vir-tutes incitarent, magna cum omnium qui zelum & charitatem eorum facile perspiciebant, admiratione. Tum quidem Christianæ pietatis ardor penè refrixerat; quem tamen Ignatius incredibili sermonis ardore rursus accendit, adeo ut impietas glacies paullatim liquefcere, & frigidissimæ multorum animæ divino & cœlesti igne mirum in modum incalescere inciperent: quod omen è nomine ejus quidam singulari dexteritate exsculpserat, invento hoc Angrammatè:

**IGNATIUS DE LOIOLA,
O IGNIS A DEO ILLATVS.**

Novæ hujus Societatis fama perulgata, Lusitanæ Rex, qui tum maximè Christianæ doctrinæ se-mentem in India facere satagebat, à Goveano viro doctissimo, bonarum litterarum olim Lutetiæ Pro-fessore, qui istic agentis Ignatii ac Sociorum virtu-tem penetrarat, monitus, ex ea idoneos sibi aliquot ad eam provinciam homines mitti petuit, dato ut id à Pontifice impetraret, Petro Maskarenæ Oratori suo, negocio: quod quidem diligenter ille tractavit, plures tamen duobus impetrare non potuit, nimirū *Franciscum Xaverium Hispanum, & Simonem Rode-ricum Lusitanum.* Ex his alter, Rodericus scilicet, à Rege in Lusitania retentus fuit, ut ejus opera in in-stituenda Conimbricensi Academia uteretur: que quidem fertilissimum postea fuit seminarium multorum felicissimorum ingeniiorum, quibus non vetus tantum, sed Nova quoque Hispania, adeoque utraque India mirificis fructibus repleta atque illustrata; immo ad Persas, Æthio-pas, Japonios & Sincenses usque Evangelii lux per-lata est. Xaverius summa cum voluntate ad tam amplam messem profectus, infinitas sub altero illo cælo Orientis solis animas Christo lucifecit: de quo alibi dicendi erit locus. Nos jam novo & Chri-stiano huic Argonautæ, vellus aureum in novam Colchidem, draconibus, tauris ignivomis, & Me-dæis beneficis referram, apportanti, ac Crucis tro-phæum ultra quasi Mundi limites cum immortalis nominis sui gloria, stauranti, bene precati, ad pro-positum redeamus.

V. Mirum est quam magna paucis annis societas hæc sumserit incrementa. Pontifex enim uberrimus qui ex hac Societate in Christianam Rempublicam magis magisq; indies redundabat, fructibus per-motus, priori statuto abrogato, omnibus qui vel-

lent huic Societati nomen dandi potestatem fecit; sic, ut brevi magnus eorum fuerit numerus qui ad Jesu militiam sunt adscripti. Hoc enim nomine tā-quam pro vexillo seu insigni Societas hæc utitur, cuius auctor non de suo Ignatianos, sed Societatem Jesu appellari voluit, ut non in hominis alicuius ordinem adscriptos, sed ad Societatem Jesu vocatos se agnoscere, sub illo summo imperatore mererent, & ejus signa sequerentur. Hoc ei nomen tam ab ipsis Pontifici-bus quam generali Ecclesiæ Concilio fuit confir-matum. Nec vero ab hoc nomine propterea ceteri homines exclusi censendi sunt ut quidam Calum-niantur imperitè, quemadmodum nec ceteri Prin-cipes minus pro Christianis habentur atque agno-scuntur, eo quod Francorum Rex Christianissimus appellatur. Eodē jure Ecclesiastici dicūtur ii qui di-vini cultus servitiis sunt cōsacrati; quamvis ab Ec-clesiæ societate idcirco nemo omnia excludatur. Qui Jesu Christi doctrinā suscepérunt, initio Chri-stiani vocati sūt, à CHRISTO seu unctione Domini, quod nomen apud Judæos pluris aestimabatur quā nomen Jesus, multis inter ipsos cōmune: sicut Ju-dæos magis inde offensos videmus quod Salvator noster CHRISTUS, quam quod Jesus fuerit appella-tus. Et Apostoli quidem eorumq; successores Chri-stianorum nomen, vere Dei filii debitum, sumpse-runt; Ignatius vero Jesu nomen Societatis suæ at-tribuit, ut non ipse, sed Deus auctor ejus esse intel-lingeretur: quod nomen tam Catholicis est venera-bile, quam vile schismaticis, quibus Christus, non Jesus in ore est. Et hæc est Jesuitarum, ut vulgus eos appellat, nominis origo; quod nomen in hac re-rum omnium cōfusione & summa hujus sæculi im-pietati multis odiosum est, uti & olim paganis Chri-stianorum. Sed cur, quæso, nomen criminis datur? Quæ nova hæc est nomina accusandi formula? Je-suita quidem nihil aliud sonat, quæ Jesu Christi ser-vum, non ut Chemnitius & Schlusselburgius è ver-naculo Jesuvvider in eptâ argutantur, adversarium. Nec hoc nomine indigni videri debent ii, quorum opera tot animæ ab interitu vindicatae, & supremo illi animarum Pastori Jesu Christo, quasi novum Ovile in novo illo Mondo est constitutum.

Societas hæc ita amplificata, hoc atque illuc se-diffudit. Ignatius Romæ, quæ est commune velut terrarum Orbis domicilium vel curia remansit, re-tentis secum Codurio & Salmerone, ut inde Societatis negotiis prospiceret, & novorum militū sup-plementum submitteret. Primum ejus opus fuit Lu-therani conversio, qui clanculum venenum suum spargere

spargere incipiebat. Hunc ab omnibus Theologis frustra tentatum, Ignatius accepta licetia, brevi ad Ecclesiæ gremiu reduxit, publice abjurato errore. Rogatus quanam re potissimum Ignatius ei tam citio persuasisset, quod alii persuadere non poterant, respondit. *Fieri non posse ut ibi vera fides ac vera religio non sit, ubi tanta concordia, tanta charitas, in voluntate tanta bonitas, in actionibus tanta insegritas reperiuntur.* Idem alterius cuiusdam, Augustiniani monachi habitu concionantis, & Lutheranum virus tecte disseminantis, conatus repressit. Sed è Juddis multos, in Fidei principiis diligenter instrutos, ad Christianismum convertit, & ut vetus lex, qua iis qui Christianæ Fidei nomen dederint, bona omnia adimutur, eum in finē olim lata ne utilitatis aliqua specie conversionem simularent, antiquarunt à Pontifice facile impetravit. Nihilominus Ignatii in virtutis insectandis libertas multorum ei odia atque etiam infidias conflavit; quas tamen omnes Dei omnia hominum cōsilia & actiones dirigentis benignitate euasit. Nec minori curæ Deo fuerunt Ignatii socii hoc illud dispersi: adeo ut tamquam veri & generosi Hirpini super incensis passim sibi que subjectis invidiæ ac calumniaæ rogis ambularent, ac sine noxa evaderent.

VI. Porro Ignatio major cura & ab hoste magis metuendo objecta fuit. Non ignarus enim quā dulcis esset & cæca ambitio, tum etiam quanto plures ex arbore rami decerpuntur, tanto magis eam sterilescere, atq; hoc modo plures Religiosorum familias ad interitum pene redactas, præstantissimis inde viris ad alia munera translati: cuius rei illustre exemplum præbet S. Benedicti Ordo, è quo uno xxiv. ad Pontificatum, c.c. ad Cardinalatū, d.c. ad Archiepiscopatus, m m m ad Episcopatum acciti sunt: statuit, ut ne quis huic Ordinem ingressus ad Officium aut dignitatem quamcunque adspiraret, sed ut Ecclesiæ quacunq; in regressus esset, in gradu simplici deserviret: quæ lex etiā non tam Principū quam Sociorum voluntate diligenter fuit observata, adeo ut quum Claudio Jau ad constitendum Viennæ gymnasium ab Imperatore evocatus, ab eodem ad Tergestinum Episcopatū designatus esset, multis dies in continuo pene luctu jacuerit, quod eum effugere se posse diffiderer. Instabat quidem assidue apud Pontificem Imperator, cuius precibus victus Pontifex tandem annuit, & Jauum Episcopatum accipere jussit, sed eo auditio, Ignatius ad Pontificis pedis advolatus, per omnia sacra obtestatus est, ne in ipsis velut incunabulis Societatem fato, ut videtur, ad hæreses reprimendas destinatam, hono-

rum illecebra extingui, aut certe enervari patetur. Si enim mitris Episcopalibus & Cardinalitis galericis semel sociorū suorum capita onerari magis quam ornari cœperint, statim fore ut non solum aliorum incurvant invidiam, verū etiam levitatis & ambitionis notentur, qui facili gloriam per fugam felicius quassent. Qua vero fronte, ajebat, alios exhortabuntur, ut Mundi gloriam, omnesque ejus vanitates, ac seipso cōtemnant? quando ipsi promptis amplexibus hac ipsa amice attingant? Brevi etiam Societati viros quos habuerit præstantissimos, subtractum, atque eam viduam relatiū iri. Tandem Margaritæ Ferdinandi filiæ, singulari favore societatem prosequētis intercessione Jauus hac sollicitudine fuit liberatus. Similiter quū postea Pius IV. Franciscum Borgiam, & Sixtus V. Tolentum in Cardinalium numerum aggregate vellet, ad Generalis præfecti instantiam à proposito destiterunt. Ac quāvis postea idem Toletus a Clemente VIII. Pontifice in Cardinalium collegium sit cooptatus; Claudio tamen Aquaviva, Ducus Atriensis Neapolitani filius Societati universæ eo tempore præpositus, multū reclamavit, rogans atq; obsecrans ne Societatis regulæ infringeretur. Poterat quidē Pontifex absoluta in eo sua potestate uti, illo tamen excusare hoc factū suum maluit, quod Toletus xxv. annis Pii v. Gregorii xxiii. Sixti v. Gregorii xiv. & Innocentii viii. fuisset domesticus, & Concionatoris & Theologi munere perfunditus, ac tunc etiam extra Societatem vixisset. Toleto mortuo, Sua Sanctitas Bellarmínus surrogavit, magnū illum, inquā, Bellarminū, cuius laudibus mea oratio longè impar est, nisi forte hoc ipsum novū laudandi genus est, eo aliquē laudare nolle quod omni laude superior videtur. Perpetua nihilominus hæc lex Societati tot tamq; illustria pietatis & eruditio- nis decora conservavit, Borgiam, Mardonatum, Turrianum, Riberam, Canifium, & infinitos alios, qui sanctam illam suam quietem cum omnibus Mundi honoribus & divitias non permутent. Nempe qui Deo dicati sunt, extra se nihil querunt.

Sed ut ad Ignatium redeamus, is post difficilem admodum parvæ quidem adhuc navicular sue toto tamen orbe protensa, gubernationem, in qua nō minus prudentem quam fortē nauclerū fese ostendit, tādem è procelloso hoc mari in cœlestem portum fuit investitus, laborum ibi suorum mercedē recepturus: felix quum aliis tūm hoc potissimum, quod postquam à Deo vocatus fuit nūmquā non de successu suo cogitabat, ac omnes peregrinationis suæ dies rimabatur. Sic ergo accepta à Pontifice ex-

trema benedictione, omnibusq; quæ ad societatem pertinent rite dispositis , animam inter suos Deo reddidit Anno M. D. LVI. natus annos sexaginta quinque; non minus placida morte quam omnis e- jus & conversatio fuerat dulcis. Et certe nihil homini melius atque optatius contingere potest, quā bonus ex hoc vita exitus. Nos quidem prīscæ illius sanctitatis omnium illustrissimum in hoc viro habemus exemplar: cujus mortem non Roma tantū, sed totus mīdus quam late patebat Societas, deflevit. Sic vixit, sic mortuus est Ignatius, magnæ illius & doctæ Societatis auctor, quæ firmissimum contra omnes hæreses est & fuit monimentum. Epri- mis decem sociis quatuor ante ipsum decesserant, Codurius Romæ Anno M.D. XLII. Faber itidem Ro- mæ Anno M.D. XLVI. Xaverius apud Sinas Anno M.D. LII. Jajus-Viennæ eodem anno. Quinque ipsi fuerunt superstites, è quibus Broetus in Franciam missus, Lutetia anno M.D. LXI. Laines post Ignatiū P̄r̄p̄ositus generalis, Romæ Anno M.D. LXV. Rodericus Olysipone Anno M.D. LXXIX. Salmeron Neapoli Anno M.D. LXXXV. & Bobadilla Laureti Anno M.D.XC. obierunt.

Quum vero hæretici tam calamo quam penicil- lo p̄cipias sectarum suarum conditores affabre summaque cum industria delineare studeant; quis mihi vitio vertat quod sanctis his hominibus divina doctrinæ nuncius & cœli alumnis , eorumque vita & meritis in Christianam Rēpublicam recē- sendis paginas aliquot confeci? O terque quaterq; beatos, quibus procul ab omni cura & invidia, qui- bus reliquorum hominum vita consumitur, in sū- ma ac dulcissima animi quiete vitam licet exigere! Antequam vero Caputhoc concludam, facere non possum quin duorum ex hac Societate præstantissimorum quos unquam Francia habuit divini Verbi p̄œconum memoriam repeatam. Ii sunt Edmundus Augerius Campanus; & Clemens du Puy sive Puteanus Parisiensis, Philosophi & Theologi do-ctissimi simul & eloquentissimi, ad hominum ani- mos commovendos & quocumque vellent infle- cendos ab ipsa quasi Natura facti. Ex his prior homo fuit cordatus admodum & laboriosus , qui summos Reges ac Principes lubenter alloqueba- tur, & ab ipsis humaniter accipiebat; sic ut Hen- rico III. Franciæ Regi fuerit perfamiliaris. Hujus potissimum opera Collegia, Dolæ, Lugduni & Burdigalæ jacta sunt. Ætate proœctus, aulareli- eta, Lugdunum commigravit, ut mortis medita- tioni tanto melius vacare posset. Non multo post, allato de Guisii cæde nuncio, quum populus furore

corruptus arma passim contra regem arriperet, dicitur non potest, quam graviter ac serio bonus ille Pater publicis in Concionibus rebelles ad obedientiam, ostensa periculi magnitudine , & caussam regis ac Principis sui , cuius conscientiam non semel ante direxerat, quantum poterat defendens, fit cohortatus. Quum vero apud homines ira & dolore per- citos ac plane exœcatos parum proficeret, non Lugdunum tantum, verum etiam ipsam Galliam reliquit, ac Comum secessit , ubi Anno M.D.XCI. diem extēmum obiit. [a] Alter de quo loqui in- stitui, ab adolescentia usque ingenio fuit simplici, miti ac placido, homo vere religiosus, ut cujus om- nes curæ & cogitationes à terra abstractæ, in cœlo versabantur. Tanta in eo Naturæ erat temperan- tia, tanta in omnibus rebus moderatio, tanta p̄- tereia ingenii acrimonie , tam exquisita doctrina, tam prompta tamque mirabilis non solum ad de- scribendum, verum etiam persuadendum quidvis eloquentia, ut in eo Natura & Ars omnes suas vi- res experiri voluisse videantur. P̄cipue in publi- cis concionibus tanta ille dulcedine in animos au- ditorum influebat ut facile quos vellet affectus eis imprimere, atque suos quodammodo instillare. Sed ad Clementis eloquentiam ostendendam, vix alia quam Clementis eloquentia sufficerit. Horribili illa contra universam Societatem in Galliis ex- citata tempestate, in Aquitaniam profectus est, ut ab altero illo cœpta absolveret ; nec tamen quem speraverat, fructum aut attulit aut cepit, in ipso æ- tatis flore ex hoc Mundo sublatus. Non sine lach- rymis, amoris erga eum mei, testibus, hoc loco rem miram, quæ paulo ante obitum ipsius conti- git, narrabo. Pro concione Clemente nostro qua- tuor hominis novissima explicante , & Mortis do- lores, horrem extēmi Judicii, ineffabiles cruciatus Inferni, & incomprehensibilem æternæ vi- tæ gloriæ ac felicitatem admirabili eloquentia repræsentante; Lacurius honestus & doctus vir, in somno eum vidit in sandapila jacentem ; sicq; dor- miens , in scribendo ei epitaphio erat occupatus. Postquam evigilasset, jubet sibi dari lucernam, & illos ipsos versus quos in somnis fecerat, chartæ in- scribit ; & sequenti die in templo D. Petri, quo ad audiendam p̄œdicti Patris concionem venerat, nobis ostendit, jam ante mortem denuncians ejus quem nos sanum & valentem in cathedra stantem, & de æterna Paradisi , ad quam paucos post dies abiit , felicitate cum summo nostro omnium stu-

[a] Bibliotheca Soc. Iesu, in voce Edmundus.

pōe

pore & admiratione cœlestia verba fundentem audiabamus. Eos vero versus ita uti auctori eos in somno animus dictavit, nec ulla deinde cura expolitos, hoc loco inscrere volui, existimans non minus eos gratos fore posteris, quam tum dolenter ab omnibus augurium illud vehementer extimescentibus, fuere accepti. Sic vero habent.

*P̄pere dum toties errabat ad astra volatu
Mentis, & hinc animi motu dum cœrula Cœli
Templa frequentabat, tandem hūc suscepit Olympus
Æternum, ipse prior cœlestis imagine forma
Captus. Acerba igitur nobis non mortis ademit
Te, Puteane, dies; sed dum te ad sidera tollis,
Iisque redisque animo consuetum limen Olympi,
Terrea sublimem te virtu' reliquit in astris,
Candidus ut degas cum DIs cœlestibus avum,
Luceat & nunc te cœlo non purior ignis.*

QVOMODO SOCIETATI IN GERMANIAM aditus sit patefactus; eaque deinde per totum terrarum Orbem se diffuderit.

CAPUT TERTIUM.

ARGUMENTUM.

- I. Iesuitæ in Germaniam veniunt.
- II. Romanorum Pontificum in salute hominum promovenda Providentia.
- III. Quibus artibus Iesuitæ juventutem imbuant & informent.
- IV. Magnus Societatis Iesu Collegiorum in Germania numerus.
- V. Nec non in Polonia & aliis locis.
- VI. Societas Iesu per universum Mundum diffusa.

I. **A**Emulatio quæ inter duos potentissimos Christiani orbis Monarchs, Carolum V. Imperatorem, & Franciscum Galliarum Regem excitata primum, deinde tanta cum populorum ab utraque parte strage, ad Philippum & Henricum eorum successores derivata fuit, Lutheranismo, rot capitulo & antesignanis orbato ac pœne prostrato, spacium respirandi ac se recolligendi dedit. Nec mirum, tanta principibus inter se contentione pugnantibus, ut ad mutuam invasionem, sexaginta octo exercitus conscripti dicantur. Qua in re uterque Protestantium non accipiebat solum, sed quæ sebat etiam auxilia; qui tum in Imperio Novum & alterum Imperium formarant, & fædere stabi-

liverant. Sed iis quæ ad politicum statum pertinent omisis, religionis statum explicemus. Quemadmodum vero atrox hoc contra Ecclesiam bellum in Germania primo fuit excitatum, ita ad domandas, aut ulro etiam oppugnandos perduelles in eadem auxilia quamprimum comparari, aut aliunde acciri & novis copiis veteres suppleri necesse fuit. Primus ex Jesuitarum Societate in Germania hæresi bellum intulit Petrus Faber, Anno 1541. inueniente is Germaniam, jussu Pont. cu Petro Hortizio in Hispanias ituro & ab Imperatore comitia tu Wormatiae celebrante, evocato ingressus est. Natu his fuit in pago quodam Genevæ vicino, qui puer anno ætatis duodecimo, pastoritam vitam agens perpetua castitatis votum Deo fecit, ex ovium pastore magnus postea animarum in oviili Jesu Christi pastor factus; primus ex illis qui sub Jesu nominis vexillo, spirituali militiae ab Ignatio adscribi voluerunt.

Fuit hic præter insignem doctrinam, amabili quadam virtu' gravitate ad conciliandum, & singulari prudentia ad retinendum hominum amorem præditus: quibus ille virtutibus quum aliorum Catholicorum Principum animos mirifice sibi obligavit, tum Cardinalibus imprimis tam Moguntino quam Augustano, pergratus fuit. Hic primus Societati in Germaniam aditum aperuit, qua tantopere postea ibi multiplicata est, ut in ea LXX. Collegia numerentur. Brevi mora in Hispaniis versatus, in Germaniam redditurus jussu Pontificis Faber natus est via Comites & vitæ duos ex aula Regia Sacellanos Joan. Aragoni & Alvarum Alfonsum quorum prior Coloniam ad SS. Trium Regum, alter ad S. Ursulæ memoriam studiaque amplius excolenda missi in Montano Gymnasio Petro Canisio Neomagensi innotuerunt, quem fama Fabri excitatum & Colonia ipsum videndi desiderio Moguntiam profectum, Christo Faber lucifecit. Interea dum hi boni successus veluti vadum in Germania tentant primo Colonæ incepto Collegio; Cardinalis Moronus, Pontificis in Concilio Trident. Legatus, Ignatii suus Germanicum Collegium Romæ instituit, in quo ejus nationis adolescentes selecti bonis literis, ac præcipue pietate & virtutibus instruerentur, ut pro virili quisque sua bonam deinde patriæ operam navare possent; additis preventibus ad eam rem necessariis, quos Gregorii XIII. Pontificis liberalitas deinde plurimum auxit.

II. Quis hoc tam sanctum Parum istorum insti-
tutum